



Diputadas y Diputados Locales
Estado de México

Consulta en Materia Educativa a los Pueblos y Comunidades Indígenas, Afromexicanos del Estado de México

Comisión de Educación, Cultura, Ciencia y Tecnología



Nahua



Mazahua



Tlahuica



Otomí



Matlatzinca



Nahua



Mazahua



Otomí



Matlatzincas



Tlahuica



Diputadas y Diputados Locales
Estado de México

N LXI Legislatura kan Poder Legislativo ka be Nunihani ixta xi ron te ipi be Pintohuati, ku ini n **Comision de Educación, Cultura ixta n Tecnología** pukha ku ini n cha bëmeni 1º, 2º, ixta n 133 ka tu sots'ihë be Maa Ribawi pëkhi be Maa Pintohwati, n 17, 51 xirakwati II ku ini n Maa Ribawi be Pintohwati; 2 ixta 3 ku ini n ribawi ka tu ye n Organismo Público Descentralizado Ka tu sots'ihë Consejo Estatal para el Desarrollo Integral de los Pueblos Indígenas del Estado de México, ku ini n bëmeni 38 ka tu sots'hë be Ley Orgánica del Poder Legislativo del Estado Libre y Soberano de México, n bëmeni 6 ixta 9 ka tu sots'ihe be Ley de Derechos y Cultura Indígena del Estado de México, 1, 2, 3 ixta 6 ka tu sots'he be ribawi 169 ku ini k n Organización Internacional del Trabajo (OIT) pu ron Chhori ne Yeni ixta Muroihwe pu ron chhori ni rahwe; n 19 ixta 32 ka ro ini ne Maa Ribawi pi bot'u Nunihani chhi pu ron Chhori ne Yeni t'ani ku tu tokaruhë, n XXIII ka ini n Declaracion Americana T'ani ku tu Tokaru ne Yeni pukha ku ini nhi ne bëmeni

KAKHARU (HAGA TA RE YE XINTA)

Khwen te ta'tia ka khwe panti t'esokhowi chhi ka re sots'i t'I ne heabi n 30 ixta n 31 kan mayo, chhi mu ki re sots'i n 1 kan junio ka te'sohë ne yeni: kan e **Mazahua, ne otomí, ne Nahua, ne Tlahuica, ixata ne Bot'una** ki ro re mëti t'ani ki ta ro kwentu t'in heabi ka ro re panti te'sohë, t'ani ki ta tu nehchihë poht'i ron chhori ne yeni, chhi ta tu inhë para ta tu pëyahë te'sohë, chhi mukhakha kit a tu xinthë te'so ne bëmeni ki ro re mëti, mukhakha li ta ro bet'ani, mukhakha kit a tu pëya'hë chhi mukhakha ki ta tu sots'ihë te'so ka ro re mehyu chhi ka ro re mëti te'ssohë ne akahte, ne maa akahte, ixta ro nas ori chhi ron t'una bot'una ixta muroihwe ne yeni, chhi pëphi

RON SONTA

Yahkha ka ro re panti nha nirahwe, ta tu hërayëhë, chhi ta tu peya'hë te'sohë ne **Yeni ixta te'sohe pu ron chhori ne ye'ni chhi mu ro ihwe ki ron chho ri be Maa Pintohwati**. Ron mantehu'ti, no nas ori, t'i ron chhori be mexa chhi ron t'una bot'una, ron nas koxi ixta meyant'ehwe ka ne yeni. ne akkahte ki ron t'una bot'una, ne akahte ron nu n pinsa, ne akahte ron nu ne nuni'hani, ne komite ki ron nu pu khwen khori, ne akahte, chhi te'sohë ki ron te kuts'i o ron chho ri be mexa pu ron chhori ne yeni chhi ka ron chhori ixta ka ron kuts'i in Ribawi Pekhi be Pintohwati, t'i ka ron tu t'ent'abi ne yeni, t'i ron tu t'ent'ani meyant'ehwë ixta pu ron tehiti ne towaa ixta pu ron tehiti ne maa bet'ani pu ron pënti mukhakha ka ron chhori ne yëni chhi meyant'ehwe ka ron tu baati pu ron chhori ne yeni, chhi ron nawi ta tu t'ent'anhë, ta tu hihthë, ta tu meya'hë be **"Asambleas Regionales para la Construcción de una nueva Ley de Educación del Estado de México armonizada a la Ley General de Educación con perspectiva pluricultural"**, te'so t'i ki ta re hëwi nhi ne heabi n **4, 6, 7, 8, 11 ixta 15 n julio nhin khëche**, kit a re ye. te'so t'i pukha ka ron ini pëkhi be xirbawi, ku ini



Nahua



Mazahua



Otomí



Matlatzínca



Tlahuica

Diputadas y Diputados Locales
Estado de México

TA RE YE

I. in kha ta re ye

Te'so ne bëmeni ki ta ro re mëti be Pintohwati chhi ki ta tu nu'he ki ta tu khana yehë chhi ta tu pati kwentahë te'sohë ne yeni k iron chhori be maa pintohwati, ki tare pati kwenta t'ani ku ini n maa ribawi ixta mu ro ihwe ne ribawi, poht'I ki tes'he ki ta ro re panti chhi ta ro re khan ate mëti, ka kuhthowi ki te'sohë ki ta tu ehthë t'ani ka ron nawi o t'ani ron nawi ta tu yehë te'sohë ne yeni ixta mu ro ihwe ne yeni chhi mu ro ihwe ki ron nawi ta tu xumi'rihë ki ta tu sots'ihë be ribawi para tare khana ye n Ribawi pu ron Tehiti be Cha Pintohwati. Pukha ka ro ini ixta ka ro re mëti be Suprema Corte de Justicia de la Nación k uta tu patihë n kwenta n 121/2019 ixta mu ki re panti, pu ron te meti pu ron chhori ne akahte ki te'sohë ka ron nawi kuhthowi ta ro re mahti muk'una para ta tu arihë mu ro ihwe ne yeni pu ron chhori ixta murohwe k iron t'una muran bot'una, yahkha ki ta ron nawi ki ta ro kwentu chhi ki ta ro nawi ki ta tu patihë nkwen ta ro ihwe ne bëmeni, ki ta tu pati kwentahë yahkha ta ro re panti, pukha k iron te mëti pu ron chhori ne yeni, t'u nirahwe, chhi ta tu pëyahë te'sohë pu ta ro khana kwentu te'sohë ne yeni pu ron chho ri ne yeni yahkha ta ro re panti ixta ta tu khana yehë n ribawi.

Ki ta tu peyahë te'sohë xa want'ewi ta tu bati tu tu pëya t'ani ku ini n Rabawi pu ron Tehiti be Maa PIntohwati:

Mhëxi ne kheche ixta t'ani ki ta tu hihthe pu ron te hiti ne ch'a towaa

Pu ron tehiti ne ch'atowaa ku mhiti pu ron tehiti ne to ch'a towaa, n kinder, n primaria, ixta n secundaria.

Pephi pu ro tehite ka ron t'uri ixta ron panta, mu ro ihwe, pukha:

Ta ro re hiti ne cha towaa ixta xi ta ro hiti ne to cha towaa;

Ta ro re hiti be kinder ne towaa, ta tu pentihë bot'una ixta te'so ro maani;

N primaria, ka ne yeni, ixta te'sohë ro maani;

Be secundaria, pu ron tehiti be general, be técnica, be comunitaria o meyoht'ni pu ini in Secretaria de Educación Publica.



Nahua



Mazahua



Otomi



Matlatzinca



Tlahuica

Diputadas y Diputados Locales
Estado de México

Pu ron tehiti t'i ron bet'ani ixta n Telesecunadaria.

Xi ta re kubrarujë te'sohë ki rona tehiti

Te'so t'i ka ron pëya, te'sohe ro nas ori ne behinta be ch'a pintohwati chhi pekhikhowi kit a ro re mehyu te'sohe ne maa behinta be Pintohwati para ta tu khana yehë te'so tatu hihthe ne chaa towaa chhi ta ro mhiti pu ron tehiti ne ichu ixta ne chita, chhi pëphi t'i mu ron koxi, muroihwe ki ron te hiti mu ne ch'a towaa, pukha ku ini in maa ribawi, chhi ka tu hana un'he ki te'sohë ne yeni ki tatu patihë n kwenta ixta te'sohë ki xaro me meriu chhi xa muh tohwo ki ta ro re hiti me yohpoht'i ki ron chhori ki ta ro re hiti. Te'so n timpu ta re ku'ts'i t'ani ki ron ini ro nas ori chhi pukha ku ini in ribawi t'et'i ki ta ro bet'ani nirahwe.

T'ani ki ta re hiti ne yeni

Be Ch'a Pintohwati ki ta re ye pukha ki ta ro re hiti chhi t'ani kuhtho ki ta tu histhe, t'ani ka tu histhe pu ron chhori ixta mukhakha ki ta ro wee ro t'una a te'sohë ne pu ron chhori, pu ron te panti ne yeni o muroihwe ne yeni, t'i ro mapa murakwati ixta t'I ka ron bet'ani ne nunihani. Te'so ta tu yehe ne ma behinta ki ta hihthe mu roihwe, ro pëya, ta tu he'hë, ta ro re thiya, ta tu pahchhë ixta ta tu histhe mu ro ihwe ro t'una para ta ro t'una o ta ro wee, ro t'una pu ron chhori para taro kwentu chhi para ta tu hihthe pu ron tehiti chhi ta tu khana pëntihë ro t'una.

Ki ta ron penribawi pukha ka ron t'una kuhthowi ta tu t'ent'anhe muroihwe meyonponht'I ron chhori ne yeni para ta tu khana pentihe chhi ta tu nu'he t'ani ku' ye pu ron chhori, chhi ku impohtaru ta ro re khana nu, ta ro xinta ixta ta tu pahchhë te'so ka tu habipikhowi ne ma'tata pekhi be Cha Pintohwati.

Ta ro re khana te mëti, ta tu nu'hë, t'u nirahwe, chhi ta tu xintahë pu ron chhori tesohë ne yeni.

Ro nas ori ne behinta pekhi be Cha Pintohwati ki ta ro re khana te mëti, ta tu nu'hë, t'u nirahwe, chhi ta tu xintahë pu ron chhori tesohë ne yeni ixta mu ro ihwe ne yeni, pukha ku ini ne akahte pi bot'u nunihani chhi muroihwe ki ron pëya, ta yahkha ta re mehyu mukhakha kit a ro re hiti, ki ta pu ra phi pukha ka ro ini be n bëmeni 2º be Constitución Política de los Estados Unidos Mexicanos.



Nahua



Mazahua



Otomí



Matlatzinca



Tlahuica

Diputadas y Diputados Locales
Estado de México

T'ani ta re ye pu ta ron re hiti ne yeni

Pu ta ro re giti ne yeni, ro nas ori ne behinta be ch'a pintohwati ixta pu kwen te hanti, ta tu t'ent'anhe ne to to'su ixta ta tu parre n meriu ne Ma Akahte, chhi ta tu yehë nhhi:

Ta tu khana yehë pu ron te hiti ne towaa kan e yeni, pu ron te hiti meyant'ewi ixta pu ron oxi chhi ron tehiti, ki ta tu khana yehe ne pibani pu ron tehiti, ki ta tu yehpihë te'so chhi ne te yo para tarore ximpi;

Ta re khana ye t'ani ta tu pëntihë ne towaa para xa ta tu bahthë ron kuts'i kakha'ru ne ma'tata ixta muroihwe ne yeni, ixta ta tu khana pëtihe te'so mukha'kha para ta tu yehë, ta tu mehwe ixta ta tu hihthe mu ro ihwe, ka tu hihkhowi, ro pëya, ro t'una ixta te'so ka ron khana pëya;

Ta tu yëhe, tu mehwe, tu bu chhori, ta tu xintahë, ixta ta tu bet'anhë ne to'so o ne xirbawi, pukha ne ribawi ki ron panta, ta tu sots'ihë pi bot'u na o meyant'ewi ne t'una ki kwen t'una.

Xi ta re hechi pu ron tehiti ne behinta, ma ku impohtaru pu ron te hiti ne behinta chhi ron tu hiti para ta ro t'una ixta ro wee ro t'una, ta ro behinta ne behinta pu ron chhori ro maani, chhi mu ki ta ron bu tehiti, ta tu peya'hë ne mhu bëmeni chhi ta tu parre ro xirbawi pu ta ini ki ro re hiti chhi ka tu hihthe para ta ro bet'ani pu chhori ro maani.

Ta re pati nkwenta, t'ani ta ro ini para ta tu yehë ne t'ani ixta t'ani ta tu sots'ihë pu ta tu nuhë t'ani ta ru hehthe, mukhakha ta tu hihthe ne yeni ixta mu ro ihwe ne yeni ki ron t'una, para xa tu bahthë te'so ka ro ma'hiti ne ma'tata ki t'ani ron ye ixta t'ani ka ron tu hëwi pu ron chhori pu ron te hiti ixta pi ro maani.

Mu khakha ta re bet'ani ixta mu kha ta re ye para ta ro re nhümihya, ta ro chhori, ta ro tani, ta tu pentihë, ixta ta tu khana pentihe ne betehiti ki ri ron tehiti para ta tu pentihë te'so mukhakha ka khwen chhori chhi mu ka khwen t'una, ixta

Ta tu sots'ihë mukhakha kit a ro re mëti ret'ehwe ixta ne akahte para ta nu'hë yahkha ta tu pënthë mu rakwati pu ron tehiti muroihwe, chhi mu ki tare t'ent'ani t'i



Nahua



Mazahua



Otomí



Matlatzinca



Tlahuica

Diputadas y Diputados Locales
Estado de México

ka ron t'una ih bot'una o ki ne yeni, para xi khwen tu parakwati chhi mu ki ta tu penthë pukha te'sokhowi.

Ki ta re sots'i t'ani ron nawi ta ro re hiti ixta ta tu xurre t'ani ki ta ro re hiti

Ta ro ini t'ani ta ini n Secretaria t'i ka tu sotsihë be xirbawi para ta ro te hiti ixta ta tu xu'rre t'ani kit a ro re hiti ki phi, mu ro ihwe, kit a tu un'hë nhi:

Ka ron pëya ixta, o mu ro ihwe, ka ron tu pënti ro t'una ne yeni ka pëkhi khowi, ku impohtari te'so nhi ka kwen pëya kakhowi ixta ku tu ti'rikhowi n ribawi pukha ka khwen t'una ka khowi ka khwe yeni.

Mukhakha ki tan hüü werawi, ta tu xintahë ixta ta tu nehchihë

Para tan hüü werawi para ta behinta chhi ku ini ki ro nas ori ne behinta be ch'a pintohwati pu ron tehiti ne ch'a towaa ixta pu ron tehiti ne ichu, ki ta ro betoota ixta ta ro bet'ani ixta para ta tu parre ro xirbawi kit a tu kuts'ihë pukha ku ini n maa ribawi n Ley General del Sistema para la Carrera de las Maestras y los Maestros.

Mu roihwe ne behinta ki ron behinta ih bot'una ki xa rome xirbawi o xa ro re hiti para ta ro behinta, ki ta ro re hiti pu ron tu hihthe muroihwe ne behinta pukha ku ini ne maa behinta be chaa pintohwati ixta pephi ki ta tu parre ro xirbawi ki ta ini k iron t'una bot'una ixta ku t'una bot'una.

Ka re pati n kwenta pu ron tehiti muhpehkhe ne towaa pero xa ro me meriu, pu ro nas chhori ne ba'ni ixta pu ron chhori ne yeni

Ne maa behinta be ch'a pintohwati ixta mu ro ihwe ch'a nunihani ki ta ori pu ron te hiti chhi, ki ron chhori man puhthe, pu xa ron me'meriu, ru ron ch'i ro ne ba'ni chhi xa ron me'meriu, ru ch'i ro ne ba'ni, ixta pu ron chhori ne yeni, ki ta xa ron tehiti, ki ta re khana ye pu ron tehiti, chhi ta re chobi te'so para taro khana tehiti chhi ta ro re panti te'sohë ki ro nawi ta ro re hiti.

T'ani ki tat'uye nirawi ne maa behinta be ch'a pintohwati

Ta ro re khana temëti pukha ku ini n Ley General de Educación, nirawi ku ini ki ka nirahwe pëphi ne behinta be ch'a pintohwati, ki ta ini:



Nahua



Mazahua



Otomi



Matlatzinca



Tlahuica



Diputadas y Diputados Locales
Estado de México

Ki ta ro bet'ani para ta ro behinta pu ron tehiti ne ch'a towaa naga ne yeni, te'sohë, mu pu ron tehiti ne maa towaa ixta murakwati pu ron te hiti ne behinta;

Ta tu ho'rre poht'i ta tu yehë ne t'ani para ta ro xinta poht'i ki ron tehiti

Be mexa ku ini ki ta tu t'ent'ani para ta ro xinta te'so ro nawi para ta ro re hiti. Pephi kit a tu yehë mu roihwe ne pibani ixta mu roihwe ne bëmeni para ta ro xinta pu ta ro re hiti chhi ta tu hihthë te'so ka ku ye pi ro maani ixta murakwati, chhi kit a tu hihthe pi na nchüxta ixta mu ro ihwe ne t'una ki ron t'una ne yeni, te'so nhi kit a re pati nkuenta poht'i ki ron t'una ro t'una.

Ta re paati nkuenta yahkha ta ro re panti ne yeni ixta mu roihwe ki ron chhori be Cha Pintohwati.

Ne behinta ka ron chhori pi bot'u maani, chhi mu ro ihwe ne akahte ki ron te t'ent'ani, ki ta ro re khana te mëti, ta tu nu'hë, t'u nirahwe, chhi ta tu xintahë pukha ku ini ne ribawi pi bot'u nunihani ixta mu ro ihwe ki ron behinta, ne ch'a nunihani ixta pu ron chhori ne yeni chhi mu ro ihwe ne yeni ki ta tu yehpihë t'ani ku ini, te'so ro bëmeni ne behinta, ki tu patihë n kwenta pe Ribawi, mu ki ron pëye, ro nas ori ne behinta xi muh thowi ta tu yehë mu ran t'ani pukha ku ini ne ribawi ki tu sots'ihë.

YAHAKHA TA RE PEYA T'U NIRAHWE

Yhakha ta re xinta nhin Bëmeni ba ta tu pëyahë te'sohë ne akahte chhi ta ro re panti pukha ku ini in Bëmëni III, pu ron chhori ne yeni ixta mu ro ihwe ka ron t'una mu ran t'una kit a ro kwentu chhi ta ro re mëti, ki tu nu'hë t'u nirahwe t'ani xa ron nawi ta tu pëyahë yahkha ta ro re panti chhi ta ro kwentu te'so ki ron tehiti.

YAHKHA TA RO KWENTU

II. t'ani ta ro kwentu yahkha ta ro re panti

Yhakha ta ro re pnati ka ron nawi:

1.- ta tu ëhthë mu ro ihwë t'ani ron nawi, t'a ro kwentu ixta ro pëya para ta tu yehën mhu ribawi ki ta ini n Maa ribawi pu ron Tehiti pu ron Tehiti ne yeni ixta mu ro ihwe para ta tu so'pihë chhi ta ro re küts'i para ta tu yehë t'ant'i ku te hëhya be ma Mexa be Ch'a Pintohwati.



Nahua



Mazahua



Otomí



Matlatzinca



Tlahuica

Diputadas y Diputados Locales
Estado de México

2.- Ta tu peya'hë t'ani xa ron nawi ixta t'ani ka ron nawi ne yeni ixta mu ro ihwe pu ron t'una mu ran t'una pu ta ro re hiti.

Para ta tu un'hë t'ani ku tu bati o ta tu tuxihchihë, ron nawi ta ro re mëti te'sohe ne maa behintajë Ron ori chhi Muroihwe.

III. Poht'i, yahkha, ta ni mu hora, poht'i n nuni'hani

Nahua

Poht'i	Yahkha	Ta ni mu ora	Poht'i n nuni'hani
San Felipe del Progreso	4 de julio	10:00 hrs	Almoloya de Juárez, Atlacomulco, Donato Guerra, El Oro, Ixtapan del Oro, Ixtlahuaca, Jocotitlán, San Felipe del Progreso, San José del Rincón, Temascalcingo, Valle de Bravo, Villa de Allende y Villa Victoria

Mazahua

Poht'i	Yahkha	Ta ni mu ora	Poht'i n nuni'hani
Tenango del Valle	6 de julio	10:00 hrs	Capulhuac, Joquicingo, Malinalco, Sultepec, Tejupilco, Temascaltepec, Tenango del Valle, Tianguistenco, y Xalatlaco.
Texcoco	7 de julio	10:00 hrs	Texcoco y Amecameca.

Otomí

Poht'i	Yahkha	Ta ni mu ora	Poht'i n nuni'hani
Temoaya	8 de julio	10:00 hrs	Acambay de Ruiz Castañeda, Aculco, Amanalco, Capulhuac, Chapa de Mota, Jilotepec, Jiquipilco, Lerma, Metepec, Ocoyoacac, Otzolotepec, Morelos, Soyaniquilpan, Temascalcingo, Temoaya, Tianguistenco, Timilpan,



Nahua



Mazahua



Otomí



Matlatzinca



Tlahuica

Diputadas y Diputados Locales
Estado de México

			Toluca, Villa del Carbón, Xonacatlán y Zinacantepec
--	--	--	--

Matlatzinca

Poht'i	Yahkha	Ta ni mu ora	Poht'i n nuni'hani
Temascaltepec	11 de julio	10:00 hrs	Temascaltepec

Tlahuica

Poht'i	Yahkha	Ta ni mu ora	Poht'i n nuni'hani
Ocuilán	15 de julio	10:00 hrs	Ocuilan

IV. Ki ta ro kwentu be mexa ixta ki ta ro ini

T'eso ta ro re mēti yahkha ta ro re panti; te'sohē ta ro re panti ki ta ro re sots'i chhi ki ta mhihi nan hora chhi pēphi ne t'ani ta khana mhihi pukha ka tu sots'ihē.

Ki ta re ye nan mexa pu ta ro kwentu, pe ka ro re mēti pukha ku ini nhin ribawi pu khwen xinta.

Mu ki tare hori werawi kit a weee chhi ret'ewi ta tu panti te'so ne bēmeni, t'ani ta ro ini, chhi t'ani xa ron tu khana nawi, te'so ta ro kwentu pu weran mexa chhi ret'ewi ta tu wee te'so ki ta ro re mēti pēphi ki re re panti, ta ini t'ani ka ro kwentu ixta ta tu entrekaru te'so para ta tu khana yehē nan xirbawi pu ta tu sots'ihē te'so.

Te'sohe ne bēmeni, t'ani ro ini ixta ka tu xumi'rihē ki ta tu pēya n Congreso del Estado de México, para ta tu nu, ta ro re mēti ixta ta tu yehē n Maa Ribawi para ta re ye n Mhu Ribawi pu ron Tehiti be Ch'a Pintohwati.

YAHKHA TA RO RE CHOBÍ**V. Ta ro ini t'ani ka ro re mēti**

T'eso ka ro re mēti yahkha ka ro re panti ne yeni kit a tu xintahē para ta tu pēyahē muroihwe nhi ne heabi n 10 n agosto nhin 2022, be <https://www.legislativeedomex.gob.mx/> pu ini "CONSULTA INDIGENA" be Congreso del Estado de México.

VI. T'ani ro re mēti ixta poht'i:

Para ri un t'ani ka ro re mēti yahkha ka ro re panti ne yeni ixta t'ani ka ro ini, ri he pu tu cho'jwe te'so be Congreso del Estado be <https://www.legislativeedomex.gob.mx/>



Nahua



Mazahua



Otomí



Matlatzinca



Tlahuica

Diputadas y Diputados Locales
Estado de México

Xi han nuhë pu ro re panti te'soge, xopihë nan correo be consultaindigena@legislativoedomex.gob.mx chhi pepi te'sohë ka ron nawi ta tu xumi'rihë nan bëmeni pepi kuhthowi ri wee para tare khana wee n ribawi para ne yeni ixta mu ro ihwe.

Xi o khana ëpihna ixta ihnawi ri hani nan bëmeni, kuhthowi ri xinkhëbi pekhi:

CONMUTADOR: (722) 279 65 00. Ext. 6 4 3 8

Ro tu tentik'i: ne **runexi ban piehnexi ta las 9:00 ba ta las 17:00 ne hora.**

Nhin xirbawi ku Xinta kuh kuts'i para ta tu pëyahë pu te entrekaru te'so ne bëmeni para ta tu pëyahë te'sohe chhi ta ro re panti para ta re khana ye ne ribawi, ta tu un'hë chhi ta tu pëyahë t'ani ku tu hëwi t'i ron chhori be mexa pukha pe ka khwe ini pëkhi.

Te'so t'i xa kwen tu pensaru pekhi pu khwen xinta ki ta re nu para ta tu un'he ne kahte.

AVISO DE PRIVACIDAD

Los documentos entregados por las o los participantes, así como los datos personales que pudieran contener, serán tratados de conformidad con lo establecido en el Aviso de Privacidad de la Comisión de Educación, Cultura, Ciencia y Tecnología, el cual estará disponible para su consulta en la página de Internet de la Legislatura, a través del enlace:

<https://legislativoedomex.gob.mx/AvisosdePrivacidad>

Asimismo, no procederá la cancelación de los datos personales ni serán devueltos los documentos que los contienen y que fueron entregados con motivo de la presente Convocatoria, salvo que hayan transcurrido los plazos establecidos en los instrumentos de control archivístico, de conformidad con lo establecido en la Ley de Archivos y Administración de Documentos del Estado de México y Municipios.

La presente Convocatoria comprenderá a la Fase Informativa en donde se realiza la entrega de información para su difusión del proceso de consulta con la finalidad de contar con información completa, previa y significativa sobre la medida legislativa mencionada con anterioridad.

Los casos no previstos en la presente Convocatoria serán resueltos por las Autoridades Responsables.



Nahua



Mazahua



Otomí



Matlatzínca



Tlahuica



Diputadas y Diputados Locales
Estado de México

N Bomani, Estado de México; kan 13 n junio kan 2022.

ATENTAMENTE

DIPUTADO ABRAHAM SARONÉ CAMPOS
PRESIDENTE

DIP. RIGOBERTO VARGAS
CERVANTES
SECRETARIO

DIP. AURORA GONZÁLEZ
LEDEZMA
PROSECRETARIO

DIP. MARÍA DEL ROSARIO
ELIZALDE VÁZQUEZ

DIP. FAUSTINO DE LA CRUZ
PÉREZ



Nahua



Mazahua



Otomí



Matlatzinca



Tlahuica



Diputadas y Diputados Locales
Estado de México

**DIP. VALENTÍN GONZÁLEZ
BAUTISTA**

**DIP. KARLA GABRIELA
ESPERANZA AGUILAR
TALAVERA**

**DIP. GRETTEL GONZÁLEZ
AGUIRRE**

**DIP. ROMÁN FRANCISCO
CORTÉS LUGO**

**DIP. MARTHA AMALIA MOYA
BASTÓN**

**DIP. MARÍA TRINIDAD
FRANCO ARPERO**

**DIP. MARÍA ELIDA CASTELÁN
MONDRAGÓN**

**DIP. MARÍA LUISA MENDOZA
MONDRAGÓN**

**DIP. JUANA BONILLA
JAIME**